

---

## ФАРҶОНА ВИЛОЯТИ ҲОКИМЛИГИДА ВИЛОЯТ ҲОКИМИНИНГ БЕШ НАФАР ЎРИНБОСАРИ ИШТИРОКИДАГИ ҚАБУЛ БУГУН ҲАМ ДАВОМ ЭТДИ

Фарғона шаҳридаги “Тадбиркорлар уйи”да вилоят ҳокимининг биринчи ўринбосари Авазбек Ўринбоев бошчилигида вилоят ҳокимининг 5 нафар ўринбосарлари бугун ҳам фуқаролар мурожаатларини қабул қилдилар.

Қабулда вилоят ҳокимлигининг барча бўлимлари, вилоят бошқарма ва ташкилотлари, давлат ва тижорат банклари мутасадди раҳбарлари ҳамда оммавий ахборот воситалари вакиллари иштирок этдилар.

Шаҳар-туманлардан келган 50 нафарга яқин мурожаатчилар банкдан кредит олиш, тадбиркорликни кенгайтириш, доимий иш ўрнига эга бўлиш, кичик саноат зоналаридан ер олиш, кадастр хужжатларини тўғирлаш, моддий ёрдам олиш, тиббий кўмакка эга бўлиш, кўчаларни асфалт қилиш каби турли масалаларда ўзларини қийнаётган муаммоларни ўртага ташладилар.

Улар тегишли мутасаддилар иштирокида эшитилиб, ҳал қилиш чора-тадбирлари белгиланди. Айрим муаммолар жойнинг ўзида ҳал қилинган бўлса, қолганларига ўрганиб чиқиш учун муддатлар белгиланди. Қонуний ечимга эга бўлмаган масалаларга жойнинг ўзида жавоб қайтарилиб, ҳуқуқий маслаҳатлар берилди.

Бизни ижтимоий тармоқларда кузатинг [Facebook](#),  
2021-07-31 17:26:25